

Filium Dei et Mariam, nam haec est domus Dei. Ergo nulla est dignitas creata, quae non superetur dignitate S. Josephi, ac proinde ea est maxima inter omnes et suprema.

Nos hæc sublimia, &c.

R. Deo gratias.

R. Dignitas S. Josephi tanta est, ut Filius Dei illi dixerit; *Tu es Pater meus. ¶ Et Joseph Filio Dei; Filius meus es tu, et virginaliter ego genui te. Tu es....

—DIA 25 DE ABRIL—

LECTIO I.

—EX DOCTORIBUS.—

Domine Jesu Christe, Æternaliter Deus de Deo, et ineffabili humilitate temporaliter homo factus de Virgine, qui Sanctum Joseph Beatissimæ Mariæ Matris tuæ, Virginem Virgini, desponsari, et humilem humili sociari voluisti, et eum de parvo magnum, de humili excelsum multis virtutibus et magnis honoribus augmentatum, mirabiliter sublimasti: da nobis quaesumus ejus exemplo, meritis et præcibus, cum cordis et corporis munditia, veram humilitatis virtutem; nobisque in humilitate fundatis, da fidei, spei et charitatis omniumque virtutum augmentum, uti per virtuosa merita, gloriosa secum præmia consequi velemus. —*Ord. Carm.*

Nos hæc sublimia, &c.

R. Deo gratias.

R. Decet profecto immaculatum Josephum *Quem Christus veluti Patrem honorat in cælis et quem Mater ejus honorat ut maritum. ¶ Nos omnes

Josephini et Josephinae supra omnem modum veneremur. Quem....

LECTIO II.

Dignitas S. Josephi est super Angelos, Apostolos —et Præcursores.—

Cui dixit aliquando angelorum Deus; Filius meus es tu? Nullius angeli est tanta dignitas ut illi dixerit Deus; Filius meus es tu, aut ut ille dixerit Deo; Pater meus es tu. Est evidens, quia Pater et Filius sunt correlativi, et quoniam dignitas S. Josephi tanta est ut Filius Dei illi dixerit; tu es Pater meus, et ille Filio Dei; Filius meus es tu; sequitur quod revera dignitas S. Josephi est supra omnem dignitatem angelorum. Aliter, sicut nullius angeli est tanta dignitas ut Deus illi dixerit; Filius meus es tu, et quia dignitas S. Josephi tanta est ut Verbo Unigenito Patris dixerit; Filius meus es tu, sequitur quod dignitas S. Josephi est maxima et suprema inter angelicas. Loquendo de dignitate apostolica sic aiemus; dignitas apostolorum habet ex Christi ordinatione annexum principatum omnis terræ; dignitas autem S. Josephi habet ex Dei ordinatione principatum omnis possessionis Dei, tam principalis, quam minus principalis, et quia principatus omnis possessionis Dei includit Jesum et Mariam; major est ergo dignitas S. Josephi quam dignitas apostolorum. Illum, qui fuit magis dilectus inter apostolos, extulit Christus ad dignitatem Filii Mariæ et fratris sui, nostrum autem Josephum extulit ad dignitatem Patris sui; ergo maior est dignitas S. Josephi, quam Apostoli magis dilecti, et quia ministeria, ad quæ destinatus est S. Joseph sunt altiora ordine quam ministeria, ad quæ destinati sunt angeli,

praecursor et apostoli, dignitas S. Josephi est suprema inter omnes dignitates, et quia dignitas S. Josephi est maior quam dignitas angelorum, praecursoris et apostolorum accedit ad dignitatem Matris Dei.

Nos haec sublimia, &c.

R Deo gratias.

R Dignitas nostri immaculati S. Josephi est maxima et suprema,*est super omnes angelos et praecursorem et apostolos. ¶ Propter ministeria circa unionem hypostaticam magis accedit ad dignitatem Matris Dei....

LECTIO III.

Dignitas S. Josephi est infinita aliquo sensu.

Dignitas Patris nostri Josephi est quodammodo infinita, quia gradus perfectionis illius nullus intellectus creatus numerare poterit. Quod est quodammodo supra infinitum aliquod simpliciter tale, quamvis absolute sit inferius, non potest non esse quodammodo infinitum, et quia dignitas nostri Josephi, quamvis absolute sit inferior est quodammodo supra dignitatem Matris Dei, quae quidem est simpliciter infinita, ergo dignitas Patris nostri Josephi est quodammodo infinita. Est revera infinita, quia ex modo loquendi B. Virginis est noster Joseph supra dignitatem ipsius, nam ipsa ait; Pater tuus et ego dolentes quaerebamus te; ubi paternitatem Joseph anteponit maternitati suae. Ulterius, B. Virgo non dixit; Pater tuus et Mater tua, sed Pater tuus et ego; ergo in conspectu Paternitatis Josephi noluit apparere Maternitatem suam; et quia hoc est quodammodo extollere dignitatem Joseph supra suam dignitatem, ergo quodammodo

extulit, ac proinde ea est quodammodo supra dignitatem Matris Dei. Et revera, quia omnis filius aequalis Patri est, et S. Joseph, ut Pater Christi, ut vere virginalis Pater Christi, ut pater etiam in opinione hominum est certe quodammodo aequalis Filio suo, et quia dignitas Filii Joseph, est simpliciter infinita, ergo dignitas Joseph, quamvis absolute sit inferior, est vere aequalis dignitati simpliciter infinitae ac proinde est quodammodo infinita, quia nullum finitum potest esse aequale infinito.

Nos haec sublimia, &c.

R Deo gratias.

R Dignitas infinita Domini S. Josephi est tantum quodammodo infinita.*Tum ratione paternitatis putativae, tum ratione paternitatis virginalis ¶ Hic est Filius meus dilectus, in te complacui mihi.—Tum ratione....

—DIA 26 DE ABRIL.—

LECTIO I.

—EX DOCTORIBUS.—

Invocavi Patrem Domini mei, ut non derelinquat me in die tribulationis. Sub umbra illius quem desideraveram sedi, et fructus ejus dulcis gutturi meo. Accepit Joseph benedictionem a Domino Deo, quoniam Jesus, Dominus et Deus caeli et terrae erat subditus illi. Anuntiate inter gentes gloriam ejus, in omnibus populis mirabilia ejus.—Oremus.—Deus pietatis et bonitatis invictae, te supliter exoramus, ut omnes qui beatum Joseph ex intimo cordis affectu venerantur, meritis passionis dulcissimi Filii tui Domini nostri Jesu Christi, et humilitatis dilectae Matris illius, nec non virginitatis sanctissimi sui

Sponsi Joseph, ad æternam mereantur pervenire lætitiā. Per eundem Christum Dominum nostrum.

—*Ordo. Carm.*

Nos hæc sublimia, &c.

R Deo gratias.

R In kalendariis sanctum nomen S. Josephi pene in caudam decantabatur.*Sed in nostris temporibus in capud collocandum est. ¶ Quia ut justus eminenter in Evangelio canonizatus est. Sed....

LECTIO II.

De perfectione Patris nostri Josephi.

Inter divinus actus tum intellectus, tum voluntatis, nullus potest esse entitative perfectior alio; nam omnes realiter identificantur cum tota perfectione divina et æque illam participant; sed, quatenus unus actus respicit excellentiores terminos vere unus perfectior esse potest altero. Et loquendo de Patre nostro Josepho, dicere debemus eius perfectionem esse perfectissimam omnibus modis, et solum inferiori perfectioni Christi et Mariæ; quia illius prædestinatio est perfectior omnibus aliis prædestinationibus, excepta tantum prædestinatione Christi et Mariæ. Perfectio Patris nostri Josephi ex parte Dei est ita perfectissima ut in primis esse debet sine macula originali in sua conceptione, et ita etiam absque peccato actuali et ulla imperfectione, ut ex parte Dei semper et pro semper esset dignissimus Paternitate Filii Dei, desponsatione cum Dei genitrice, et ita Dominus supra utrumque, ut ambo essent illi subditi. Quæ cum ita sint ex parte Dei, affirmare debemus ex parte eius perfectissimæ et ad æquatæ congruentiæ, semper dilexisse Dominum Deum suum ex toto corde suo, ex tota anima sua, ex tota mente

sua et semper et pro semper omnia fecisse illa infinita perfectione. quæ revera est propria illius, qui fuit prædestinatus ad virginalē Sponsū Matris Dei, ad Patrem virginalē Christi, ad caput Sacræ Familiæ.

Nos hæc sublimia, &c.

R Deo gratias.

R In Deo idæa S. Josephi est perfectior omnibus aliis idæis, excepta idæa Christi et Virginis Mariæ,* quia prædestinatus fuit ad paternitatem Filii Dei, et desponsatione cum Dei genitrice. ¶ Jesus et Maria erant subditi illi. Quia....

LECTIO III.

Dominus Joseph vere et proprie fuit maritus Virginis.

Tota et ea quidem maxima S. Josephi dignitas præcipue consistit, tum in paternitate Unigeniti Filii Dei, tum in desponsatione cum Dei immaculata Genitrice, quia verus titulus ob quem esset virginalis aut putativus appellatus Pater Jesu, fuit matrimonium cum beatissima Virgine Maria. Et non solum inter Josephum et Mariam fuit verum matrimonium ratum, verum etiam inter omnia matrimonia fuit perfectum, sanctum, admirabile, omnino cœleste et plane divinum. Omne nuptiarum bonum impletum est in illis parentibus Christi, proles, fides et sacramentum; prolem cognoscimus ipsam Dominum Jesum Christum; fidem, quia nullum adulterium; sacramentum, quia nullum divortium; et solus ibi nuptialis concubitus non fuit. O coniugium verum, aiebat Rupertus, et sanctum, coniugium cœleste non terrenum, quomodo enim vel in quo coniugati fuerunt? Nimirum in eo, quod unus spiritus

et una fides erat in eis, sola illic defuit corruptio carnis Ergo matrimonium nostri immaculati et divini Josephi cum Beatissima Maria fuit perfectissimum, fuit omnino coeleste, fuit plane divinum, et fuit etiam incarnationis tegumentum, ut homo Deus haberet nutritium et custodem, ut dum fuerit coniugium cum virginitate utriusque coniugis, ambo essent revera almi parentes Christi.

Nos hæc sublimia, &c.

R Deo gratias.

R Cum S. Joseph Mariam duxit uxorem, erat vir. *Ut sub illius umbra servaretur ab omni infamia Mariæ existimatio. ¶ Fuit matrimonium abs dubio perfectissimum. Ut sub....

—DIA 27 DE ABRIL.—

LECTIO I.

—EX DOCTORIBUS.—

Quid putamus quaenam illa fuerit Josephi exultatio et in virtutibus progressio, cum et vocem audiret, et videret faciem Mariæ Virginis; et ejus non solum praesentia, sed etiam conjugali familiaritate et amicitia frueretur?—*Barr.*—Quod paucissimis fuit concessum, credi debetur non fuisse Josepho denegatum.—*Suar*—Illud vero advertere non praetermittam ex quadam satis recepta sententia divi Hieronimi: Sanctum Josephum corpore et animo glorioso, cum Christo regnare, qui cum ante Christum mortuus fuerit, verisimile est fuisse unum ex illis, qui tempore mortis et resurrectionis Christi surrexerunt; quos multi sentiunt ad immortalem vitam animo et corpore transiisse.—*Suar.*—Josephum post mortem

cum Christo inter coeteros patriarchas resurrexisse.

—*Corn.*

Nos hæc sublimia, &c.

R Deo gratias.

R Prae ceteris viris fuit divinus Joseph Domini amantissimus.*Ita ut ex ejus Virgine conjuge, nasci voluerit. ¶ Illumque Patrem suum vocare dignatus est. Ita....

LECTIO II

Dominus S. Joseph votum vjrginitatis emisit.

Quod purissimus noster Joseph fuit semper Virgo expresse declaratum fuit a S. Petro Damiano in sua Epistola ad Papam Nicolaum sic se habente; Ecclesiae fides in eo est, ut non modo Deipara, verum etiam putativus pater atque nutritius Virgo habeatur. Alioquin, si S. Joannes Baptista, quoniam futurus erat Christi praecursor et semel in Baptismo sacratissimum illius corpus contrectaturus, electus est Virgo purissimus; sic etiam potiori iure Dominus S. Joseph, qui erat futurus Virginalis Pater Christi, pater putativus, pater legalis ut eum nutrirer, foveret in gremio, portaret in manibus et millies contrectaret debuit Virgo purissimus elegi et modo specialissimo Deo suo consecrari; ergo revera Dominus S. Joseph votum Virginitatis emisit. Ulterius, Trinitas coeli nimirum, Pater et Filius et Spiritus sanctus Virgo est, ut Nazianzenus cecinit; ergo etiam Trinitas terrae, scilicet, Jesus, Maria et Joseph debet esse Virgo; non solum ergo Jesus et Maria sunt Virgines, sed etiam noster Joseph est Virgo. Aliunde, semper etiam in lege veteri fuit in magno pretio Virginitas, tum quia in templo Hyerosolimitano fuere Virgines Deo consecratae; tum quia viri sanctissimi Vir-

ginitatem, ut estimabiliorem coluere, tum etiam quia Essenii sancti à judaeis habiti perpetuam castitatem servabant, Tanquam filii praedilecti nostri sanctissimi Patris Joseph debemus honorare votum castitatis, quia est virtus magnae aestimationis quia Virginitas maxime ad perfectionem spiritus conducit, atque a terrenis curis et sollicitudinibus homines abstrahit, quia est iuxta regulas aestimabilior et appetibilior.

Nos haec sublimia, &c.

R Deo gratias.

R Ego cum mea sponsa ex ore Altissimi prodivi, et nostrum coniugium est primogenitum ante omnem creaturam *Ego feci in coelis ut oriretur lumen indiciens. ¶ Nondum erant Abyssi et ego iam conceptus eram. Ego fecit, . . .

LECTIO III.

S. Joseph ante coniugium votum absolutum Virginitatis emisit.

Sicut B. Virgo Maria, uti ab omnibus theologis defensum est, votum absolutum Virginitatis emisit, ut iam suo tempore Pater Bolandus aiebat; Beatam Virginem Mariam votum emisisset Virginitatis nemo dubitat, nisi qui pariter et Ecclesiae catholicae et castitatis hostem se profiteatur; quo enim alio spectat plena admirationis interrogatio; Quomodo fiet istud quoniam virum non cognosco? et hac de causa Beata Virgo speciali Spiritus sancti motione et instinctu matrimonium cum S. Josepho celebravit. Sic etiam Dominus S. Joseph, antequam cum Maria purissima iniret coniugium, votum absolutum Virginitatis emisit; primus omnium post Beatam Virginem tale votum nuncupavit. Haec omnia ita facta sunt quia Sapientia infinita Dei attingit à fine usque

ad finem fortiter et disponit omnia suaviter. Desponsata est ergo Maria Virgo iusto non ablatur, sed potius custodituro illum thesaurum infinitum, quem ipsa iam voverat; et desponsatus est Joseph purissima Maria non ablatura, sed potius custoditura illum infinitum thesaurum, quem iam ipse etiam voverat. Vovit Maria Virginitatem; vovit et ipse Joseph, Joseph virgo fuit per Mariam et Maria Virgo fuit per Josephum, ut ex hoc virginali coniugio filius nasceretur, id est. Verbum, qui caro factum est ut habitaret in nobis.

Nos haec sublimia &c.

R Deo gratias.

R Pro certissimo scire debes, ait Maria ad Birgitam, *quod Joseph dilectus meus antequam desponsavit me. ¶ Intellexit in Spiritu sancto me vovisse Virginitatem. Quod Joseph, . . .

—DIA 28 DE ABRIL.—

LECTIO I.

—EX DOCTORIBUS.—

Putabatur filius Joseph, Joseph virum Mariae, sponsum Mariae ex eo enim collige sanctum Josephum habuisse omnia iura, veri sponsi in virginem ac consequenter jure vereque vocari Patrem Christi.—*Suar.*—In omni gente, ego ipsem et Joseph, primum habui; et omnium excellentium et humilium virtute calcavi, et in plenitudine sanctorum detentio mea.—*Suar.*—Joseph interpretatur augmentum, et suo matrimonio cum Virgine, plurimum fit augmentum per Joseph; quia sine carnali copula sanctius coniugium contraxerit, et conjux virgo, virginem custodierit, et debitum ministerio reddendo, et Ma-

Piissima

tri et Filio paterno affectu, inseparabiliter conjunctus fuit.—*Ab. M.*

Nos haec sublimia, &c.

R. Deo gratias.

R. Supremam Josephi dignitatem in Christi Domini virginali paternitate.*Magis quam in Virginis desponsatione. ⁊ Constituendam esse ab omnibus filiis et filiabus nostri sancti Instituti. Magis....

LECTIO II.

*Joseph et Maria post matrimonium virginitatis
—votum emiserunt—*

Licet aliqui viri in lege veteri ut Jeremias et Elias, aliquæque mulieres ut Maria soror Moyseis et filia Jepte virginitatem servaverint, tamen de nullo constat votum virginitatis emisisse; sed inter Mariam et Josephum fuit tanta morum similitudo, qualis semper quæritur inter coniuges, propter quam si Maria fuit prima omnium in emittendo voto virginitatis, sic Joseph fuit etiam post illam primus in eo emittendo voto. Quod Virgo corde conceperat, simul cum viro labiis expressit, et uterque in virginitate permansit; et sicut B. Virgo et S. Joseph ante matrimonium corde concepere votum virginitatis, sic post illud simul labiis expressere. Eadem veritas probatur etiam auctoritate S. Bernardini Senensis aientis; Creditur revelatum fuisse Josepho Virginis propositum de Virginitate servanda; Contraxit igitur matrimonium committens se dispositioni divinæ, atque ex communi consensu vovit uterque sanctam Virginitatem. Quid clarius? quid evidentius? Dominus noster S. Joseph emisso voto virginitatis ante desponsationem sancte et licite, coeleste et divinum contraxit matrimonium cum B. Virgine

Maria, quod quidem cum eo voto bene potest stare; ut ambo cum essent immaculati et revera desponsati ex suo Virginali coniugio ambobus Filius nasceretur, verus Deus et verus homo.

Nos haec sublimia, &c.

R. Deo gratias.

R. B. Virgo habuit revelationem divinam de proposito Virginitatis S. Josephi.*Joseph Sanctissimus vidit suam Mariam semper esse Virginem et Matrem. ⁊ Ergo matrimonium Josephi cum Maria fuit inter omnia perfectissimum. Joseph....

LECTIO III.

*Immaculatus Joseph in aliquo vero sensu est
Pater almus Jesu Christi.*

Tale divinum nomen Patris Filii Dei non solum convenit ei Paternitati extrinsecæ, stanti nimirum in electione nostri immaculati Josephi, qua ipse in tam sublimem dignitatem evectus fuit; verum etiam videtur mihi in aliquo vero sensu illi perfectissime et adæquate convenire. Paternitas S. Josephi est de facto et aliquo modo intrinseca, consistens in aliqua qualitate ei intrinsece inherente, id est, in eius potentia voluntatis, in eius potentia naturali elevanti ad productionem Christi. ita ut conceptus sit de Spiritu Sancto ex Maria Virgine et homo factus est. Per actum verum, proprium et adæquatam nostri immaculati Josephi Spiritus Sanctus supervenit in Mariam, virtus Altissimi obumbravit Mariæ et Verbum caro factum est post voluntatem Josephi divinissime manifestam per Mariam dicentem; Ecce ancilla Domini fiat mihi secundum verbum tuum. Hac de causa honorabiliter dicebatur a S. Augustino; Propter fidele coniugium parentes Christi vocari.

ambo meruerunt; non solum debuit esse Pater Joseph Christi, sed maxime debuit; Quod Spiritus Sanctus operatus est, utrisque operatus est; et in amborum iustitia requiescens ambobus filium dedit, sed in eo sexu, cui parere decebat, operatus est hoc quod etiam marito nasceretur.

Nos hæc sublimia, &c.

R Deo gratias.

R Te, Joseph, laudamus, te caste Matris Dei Sponse. *Te enim omnes terra veneratur, ut virginalem verum Dei hominis Patrem. ¶ Plexi sunt cœli et terra maiestatis gloriæ tuæ. Te enim....

—DIA 29 DE ABRIL.—

LECTIO I.

—EX DOCTORIBUS.—

Sponso itaque beatissimæ Matris Dei nomen Joseph divinitus contigisse, in mysteriorum revelatione et terræ prælatione. Quamvis enim nos lateat tacentibus scripturis, quoniam modo justus hic vocatus sit Joseph, quia tamen evenisse constat, ut Sponsus Dei Matris esset, Paterque ejus Filii putaretur, quod dona concessa Abraham, Jacob, ac Petro exploratum est præcellere, quibus fuere imposita nomina divinitus: idem quoque de Joseph credere persuademus.—*Alb. M.*—Non cognito Verbo Dei, Joseph credendus est. Transmigratio Josephi in Ægyptum fuit jucundior, mirabilior et utilior ipsi beato Joseph, quia primogenitum totius universi secum deduxit Jesum Dominum nostrum.—*Isid. I.*

Nos hæc sublimia, &c.

R Deo gratias.

R Ex eo quod Jesus et Maria fuerunt almi pa-

rentes Christi. *Sunt etiam piissimi parentes nostri. ¶ Et Jesus Christus Filius eorum est etiam frater noster utroque latere coniunctus. Sunt....

LECTIO II.

Noster immaculatus Joseph est putativus Pater Filii Dei.

In nostro S. Josepho non solum invenimus aliquid de divina paternitate in re; sed etiam Paternitatem de quasi actione, scilicet, relationem superioris ad subditum, aut Patris ad Filium. Inde paternitas S. Josephi est relatio quædam prædicamentalis stans in quasi actione, videlicet in superioritate erga Christum et destinatione divina ad officia paternæ. Nostra conclusio; S. Joseph est Pater putativus Unigeniti Filii Dei; probatur ex Scriptura dicenti; Putabatur Filius Joseph; Nonne hic est Filius fabri? Erant Pater eius et Mater mirantes; Quum inducerent Puerum Jesum parentes eius; Et Pater tuus et ego dolentes quærebat te. Noster S. Joseph est revera Pater putativus Filii Dei, quia, iuxta dicta, ipse Deus per ora Evangelistarum et Dei Mater per os suum nomen Patris Christi dederunt S. Josepho. D. Bernardus quoad nominationem ipsius Dei suam expressit intentionem dicens; Qualis sit S. Joseph conice ex appellatione, qua licet dispensatione, meruit nominari a Deo, ut Pater Dei dictus et creditus sit. Noster Sanctissimus Joseph igitur, tum fuit revera Pater virginalis Jesu per suam voluntatem; tum fuit etiam coram hominibus Pater putativus Jesu.

Nos hæc sublimia, &c.

R Deo gratias.

R Semper et pro semper disserendum est et di-

verso modo loquendum de Paternitate S. Josephi et maternitate Mariæ. *Virgo enim vere Deum genuit verbo et opere. ¶ Joseph tantum genuit eum mente et corde. Virgo enim. . . .

LECTIO III.

In aliquo vero sensu proprie et secundum rem S. Joseph est Pater Domini nostri Jesu Christi.

Non solum noster immaculatus Joseph est Pater putativus Unigeniti Filii Dei, et verus virginalis Pater per suum consensum circa Verbi incarnationem, sed etiam, iuxta aliquos doctores, est secundum rem Pater Domini nostri Jesu Christi, excepta carnali generatione. Antequam convenirent Joseph et Maria, hæc inventa est in utero habens de Spiritu Sancto, id est, non inscio Joseph, qui pene licentia maritali futuræ uxoris omnia noverat, et Joseph invenit in propria domo, in agro suo, scilicet, in Maria, invenit, inquam, thesaurum pretiosissimum Unigenitum Dei, in quo sunt omnes thesauri sapientiæ et scientiæ absconditi; ergo acquisivit proprietatem illius, ac per consequens proprie et secundum rem, excepta carnali generatione, est Pater Christi. Ulterius et pulchre ex Patri Suaresio dicere possumus; Quod in aliquo solo nascitur vel ædificatur, sub illius dominium cadit, cuius est solum, etiam si miraculose in horto alicuius fons nasceretur, illius esset cuius est hortus; atqui fons sapientiæ, id est, Christus Dominus natus est de Spiritu Sancto in loco et horto S. Josephi, nimirum in Maria, quæ erat terra purissima propria illius, juxta Apostolum; Mulier corporis sui potestatem non habet, sed vir; Ergo Christus Dominus est proprius S. Josephi, in ratione

Filii; ergo proprie et secundum rem est Pater Christi Domini.

Nos hæc sublimia, &c.

R Deo gratias.

R Quamvis non sit proprie et secundum rem Pater ille, qui non generat Filium; *sed noster immaculatus Joseph alium habet titulum. ¶ Vi cuius Filius Dei, Filius Mariæ sit etiam Filius Josephi. Sed noster. . . .

—DIA 30 DE ABRIL.—

LECTIO I.

—EX DOCTORIBUS.—

Joseph filius accrescens; ut ramus crescens Joseph, ut ramus fructificans juxta fontem.—*Pagnino*.—Pura omnia conjugum Josephi et Mariæ, si conjunctio fuit cœlestis.—*Rup.*—Et vocavit nomen ejus lingua ægyptia Salvatorem mundi; et noster Sanctus Joseph sic dictus est.—*Hugo*.—Ad Sponsæ Mariæ in Sponso honorificationem.—*Alb. M.*—Nonne vides quomodo in coelo millia millium ministrabant ei? Pro illis omnibus in terris usus est Joseph; ac unus Joseph pro millibus angelorum assistentium in coelo et ministrantium Domino æstimatur.—*Silv.*—Quibusdem Sanctis datum est in aliquibus specialibus causis patrocinari; ac Sanctissimo Josepho in omni necessitate, et negotio concessum est opitulari.—*S. Thom.*—Constituit eum dominum domus suæ et principem omnis possessionis suæ; ut erudiret principes ejus sicut semetipsum, et senem ejus prudentiam doceret.—*Le-Blanc.*

Nos hæc sublimia, &c.

R Deo gratias.

R Patriarcha Joseph dixit se vidisse solem et lunam adorare eum.*Sed noster divinus Joseph vidit verum solem Jesum, et veram lunam Mariam. V Sibi obsequentes, et subditos ut Dominos domus suae.— Sed noster....

LECTIO II.

Laus nostri Josephi.

Jesus, Maria et Joseph in diversis considerationibus habent se tanquam excedens et excessum: ideoque quaeritur inter plures auctores. Sit ne æqualitas aut inæqualitas inter Jesum, Mariam et Josephum? Ratio: Genealogia Christi in Josepho terminatur, per cujus nobilitatem nobilitas Christi declaratur: nobilitas Christi per nobilitatem Josephi comprobatur, tanquam per ultimum parentem, qui revera ex opere Spiritus Sancti in Virgine sua Sponsa per consensum mirabiliter Deo suo datum. Per Josephum plurima beneficia a Deo obtinentur; quia Joseph ab Æterno prædestinatus fuit in Virginis Sponsum, et Christi virginalem Patrem.

Nos hæc sublimia, &c.

R Deo gratias.

R Maria ab Æterno prædestinata fuit in Matrem Dei.*Joseph ab Æterno prædestinatus in virginalem Patrem Dei. V Electio Mariæ et Josephi simul comprobatur. Joseph....

LECTIO III.

Laus nostri Josephi.

Numquam fuit revera difficultas libros scribendi præcipue de nostro immaculato Josepho; quia in laudibus divini Josephi, vix dividi potest a Christo et Deipara; hac de causa ad Josephum vere laudandum angelorum lingue sunt necessariae. Intentio mea

est, quod magis cognoscatur Joseph ab omnibus Missionariis Josephinis et ab omnibus sororibus nostris, et per illorum medium magis ac magis totus universus mundus illum laudet; et revera laudabitur quia cultus Josepho exhibitus tum gratissimus est Christo, Deiparae et coelesti curiae; tum etiam omnibus hominibus et mulieribus.

Nos hæc sublimia, &c.

R Deo gratias.

R Nomina Jesu, Maria et Joseph sunt in capite libri vitae.*Et inter eos nulla divisio. V Quia tria hæc sunt Trinitas terrestris ad similitudinem coelestis a Christo instituta. Et....

MES DE MAYO.

—DIA 1º—

LECTIO I.

—EX DOCTORIBUS.—

Cum similis similem deceat iunctuque superno,
Virgo parensque Dei nupserit alma Joseph,
Collige quantus erat, merito quo vicerit omnes,
Et fuerit tantum dignus habere decus.

Et natum curare Dei genitorque vocari,
Complecti et sacro sæpius ore peti.
Et facile accipies, ut primum Sponsam sequentem
In superis Sponsus, sic habet ipse locum.

—Isid I.

Nos hæc sublimia mysteria mirantes, et ut finem huic divinae lectioni apponamus, ex toto corde et ex tota anima nostra dicere volumus: Jesu, Maria et Joseph cor et animam meam trado vobis; esto mecum